

四庫全書

子部

欽定四庫全書

江南經畧卷一


下

南畝總圖


明


鄭若曾

撰



南畿全圖





江南經略

二

南畿總論

南畿勝勢在長江留都守禦舟師為急徐穎跨中原瓜  
連豫省淮安控徐揚魯齊文武重臣開府作鎮雖職漕  
撫而聯絡兩京廬州民多游手野有遺利鳳陽地當衝  
繁財力冗費豐沛之間濁河泛濫幾淪魚鼈轉餉既艱  
民亦凋瘵決噬之患濠泗尤棘揚有鹹臺富商走集民  
頗豐洽俗亦浮靡瀕湖農田塗墊為患安慶當長江委  
流東約全楚為江表門戶徽州山多田少民逐末利風

俗用偷池在山麓江潁寇盜竄伏鎮江鑿山通漕江潮  
下上穀土歲易利歸豪右蘇松常三郡市浮於農文勝  
於質加之田賦不均稅徭日困沿海兵成本以備倭而  
濱海濱江之民擅魚鹽之利間作弗靖出沒江湖肆行  
剽劫以故江防海備並為急務云

備留都六議

長江天塹晉齊間事耳自烏珠巴延渡江江難恃矣南  
震則楚粵閩浙俱不可固今戶部食糧之軍四萬餘兵

部所操之軍二萬餘布置江上惟三四千之浙兵護衛  
府寺惟一千之標兵倉廩雖實計日可盡三部之庫合  
之不過百萬守城之具百無一備夫池河一帶為北來  
關鑰南唐之亡繇此失矣則添兵設將築關置堡宜議  
一也瓜儀為江北之門戶而海門一帶巨盜出入龍潭  
一渡直接儀真宜各置臺立軍戍此宜議二也安慶太  
平據留都上流宸濠攻安慶不下故不得直抵舊京太  
平乃開天首郡城高不能勝中人之垣六合聚糴之地


縣尚無城能無增築宜議三也東壩為古來通吳越之路吳越盜發自當取道於此創堡設兵以防其決宜議四也京城太廣而定淮金川儀鳳神策諸門寂如山林故靖難之師從此而入不如自鐘鼓樓一帶至清涼山後止橫築城一道勢既直捷守力簡省則宜議五也六朝城不統一雖屢有城下之師尅一城而數城守在如烏林新江臺城清溪彼此相援今苟破一城便曠然百里不如於下關上河等處多立城堡分處營軍宜議六



也

蘇松常鎮四府總圖

東



江南經畧

五



蘇松常鎮四府總論

蘇松常鎮四郡幅幘千里乃朝廷命脈之地也有識者須申畫封守而慎固之何以故我國家財賦仰給於東

南東南財賦莫重於蘇州

夏稅秋糧共二百餘萬石較湖廣全省一十五府十六州

一百七縣之賦加多焉

次松江

夏稅秋糧共一百餘萬石較福建全省八府一州五十七縣之賦加

多焉次嘉湖杭諺不云乎上說天堂下說蘇杭是也邇年

倭犯中國首至蘇松巢柘林橫行列郡燔劫靡遺然後畧淮揚畧溫台畧閩粵先後次第咸有成算四郡為奸


雄之所垂涎可徵已况京口當江南運道咽喉凡中原之人欲之吳越之閩粵必由此進萬一天下有事人所以必爭豈待智者而後喻哉此皆第二義也其第一義尤在於留都四郡特其裊褥也今之論者孰不曰留都離海也遠寇不能犯以若曾觀之海寇窺留都之門戶有四其從陸也必由蘇州常州丹陽而進此之謂正道或由宜興溧水丹徒龍潭而進此之謂間道其從水也必溯長江抵龍王關此之謂正道或溯吳淞江泛太湖入

宜興越新興壩而進此之謂間道向來正道設備已密  
勢難猝犯惟間道未之有講也當事者願究心焉或問  
留都守禦與四郡自相維護之法可得聞與曰留都守  
禦我太祖原設四十八衛分其半於江北屯衛京師屹  
如磐石萬一可虞愚於海防江防及鎮江諸論中備言  
之矣四郡自相維護亦見於蘇州等論有經畧之志者  
宜合而觀之

倭寇海洋來路之圖

東

自此犯閩廣路



南

北

自此北江往

自此北江往

鎮江府

常州府

蘇州府

太湖

西

錢塘江

江浙

江南經界

江南經界





蘇松海防圖

自此以後  
皆在於南面

自此至吳淞一帶雖有  
港汊每多砂磧賊可登  
岸兵難泊舟非選練步  
兵循塘拒守不可

獨山

海塘

直隸松江府沿海信地西南抵接浙江浦界

獨樹營

新廟壑

江門營



金山衛

其西自橫歷整起至獨樹營與浙江乍浦所信地為界哨官千戶領兵更番防守東自蘇館整起至漂缺整與柘林堡信地周公整為界哨官百戶領兵更番防守

金山衛西連乍浦東接柘林頻年為倭賊之所巢窟添設遊擊將軍統領馬步遊兵往來遊徼則北可以覆松江而西可以援乍浦 金山而東為柘林柘林而東為青村青村而東為南匯南匯而東為川沙川沙而東為吳淞皆不遠五六十里自青村至吳淞該所把總各練兵一枝守之柘林則都司練兵守之金山則蘇松參將坐鎮之勢援易及首尾相應宛然常山之勢

小金山

金山堡

金山營基

西新堡

東新堡

戚家堡

香山

金山巡司

漂缺塹  
柘林官兵至此為界今添百戶一員帶  
兵在彼巡哨與金山遊擊部下官兵會哨

胡家巷

漂缺險要

漂缺港

許山

許山  
離柘林三四十里登柘林城則望見海中諸山  
而許山其有名者也舟山定海之民一潮可至

胡家  
港堡

胡家塹

周公塹


祭海臺


漂缺塹

柘林原無險阻以其臨海歲甲寅倭至取  
便結老巢於此巡按御史尚公建議築之

橫林墅

柘林官兵至此今派千戶一員帶兵在  
彼巡哨與青村千戶部軍會哨






此港險要三十四等年青南三所各募兵二百名委官一員協守三十九年議革今青村千戶一員帶兵巡哨與南匯等官軍會哨

此嘴與竹箔沙相對倭船若乘東南風入內海以犯蘇松必由乎此閱倭最大詳說見後

自此以後海皆在於東南



此洪先於三十三等年倭船  
停泊險要與七國北同向無設  
兵防守止是南匯所官兵哨守

此洪先於三十三等年倭船  
停泊最為險要向來未曾設兵住  
紮止是南匯所官兵出哨防勦


七山

七國洪

六國洪

五國洪

四國洪



六島港

六國

五國

五島港

三場路頭


四國


四島港




此寇先於三十三等年被倭船停泊  
於登岸結巢連年為患川沙堡城之  
建官兵之設為是故也最宜防守

此洪係沿海倭船停泊險要之處宜慎防之





此山乃海岸土塹也在國朝永樂年間  
本為瞭望海洋而設倭船入內海先列  
此地棄舟登岸通年以來江東屢受其  
患見今吳淞兵船防守



此嘴灘大若潮退時倭船不能入多間淺  
江東地方屢受其患見今吳淞兵船防守


此所建于吳淞江練洶港之間屢年以  
來倭船至此不入吳淞則入練洶見今  
二港俱有兵船防守

海中諸沙當圖繪于此因沙形方  
位參錯不齊而冊葉紙局于扁狹  
恐列為一字之形則失真矣故另  
作江海諸沙圖冠于卷端茲反空  
而不載須合而觀之以意會焉可也

欽定四庫全書


江南經畧

十四



黃窪 此地岸險潮湧不能泊舟倭船至此潮將半夾上則有吳淞兵船追逐下則有劉河兵船接應往年以來倭多棄船登劫乃太倉嘉定陸路之要害也宜添設陸兵見今止有劉河兵船防守詳說見後

劉河見設把總統率水兵防守港口陸路則有營無兵似為缺典宜照福山事例築堡寨設陸兵以備倭寇登岸



水分鹹淡

此處乃江海之交

萬涇在太倉之東離城五十里賊舟若南由竹箔沙而來或東由來信嘴而來劉河七丫官兵或嚴不能衝犯必於此處登陸頃刻可至城下須設陸兵防守

此港淤淺潮退收泊不便合泊新鎮沙嘴與新窰高家竹箔兵船泊守

崇明縣

東州河

大河口

明史口

江南經界

劉河營

新塘

楊林河

萬涇

楊林壑

花浦壑

七丫壑

七丫壑

長港壑

山穿

易壑

北寺壑

北寺壑

楊家壑

保壑

三六口

石壑

十五

沿海營堡考

蘇州府

營寨八

福山營

九折邨營

雙浜邨營

七鴉港營

白茆港寨

竹箔沙營

劉家港寨

南沙營

堡二

福山堡

劉家河堡

松江府

營五

獨樹營

金山營

江門營

小盤營

大盤營

堡六

柘林堡

川沙堡

胡家港堡

蔡廟港堡

南匯堡

青邨堡

餘詳見二府兵防考



海防論一

海防之策有二曰禦海洋曰固海岸何謂禦海洋會哨陳錢分哨馬蹟大衢羊山遏賊要衝是也何謂固海岸修復祖宗朝備倭舊制循塘拒守不容登泊是也之二者或謂禦海洋為上策若將官不肯會哨會勦而以風潮不便為辭縱賊登岸不得已而陸戰則在我為舍易圖難在賊為護短用長兵家之忌我自犯之矣或謂四山離內地太遠糧餉易匱聲援難及且風潮叵測將官

藉以規避何從而稽之萬一失備致寇直搗反悞事矣  
不如陸戰嚴其節制將士豈能作弊也愚嘗持是二者  
質於梅林胡公虛江俞公皆云前說為優復質於二華  
譚公允齋嚴公皆云後說為善今而後始悟諸公之論  
但可通之於福浙而蘇松海防斷斷乎以禦寇羊山為  
上策也何也蘇松事體與福浙不侔若曾嘗乘海舫凌  
驚濤覽形勝及訊熟行海島之人而知之夫倭舶之來  
必由下八山分艚若東南風猛則向馬蹟西南行過韭

山以犯閩粵若正東風猛則向大衢西行過烏沙門以  
犯浙江若東北風猛則向殿前羊山過淡水門以犯蘇  
松羊山在金山之東大七小七兩山之外吳淞江順帆  
不過一潮而已其為賊之要衝雖與馬蹟大衢相若而  
淡水門捕黃魚一節乃天設此以為蘇松屏障豈可謂  
遠洋備禦之難而以羊山與馬蹟大衢例論哉蓋淡水  
門者產黃魚之淵數每歲孟夏潮大勢急則推魚至塗  
漁舩於此時出洋寧台溫大小舩以萬計蘇州沙舩以

數百計小滿前後凡三度浹旬之間獲利不知幾萬金也海中常防劫奪每漁船必自募慣出海之人格鬪則勇敢也器械則鋒利也風濤則便習也其時則適當春汛之時其處則倭犯蘇松必經之處賊至羊山見遍海皆船而其來舟乃星散而行以漸而至勢孤氣奪遠而他之矣敢復近岸乎自倭變以來當道慮倭奸狡偽充漁人擄舟混入禁行採捕不知放船之利有三不募兵而兵強不費糧而糧足不俟查督而自無躲閃之弊惟

在巡撫軍門與兵備道嚴其約束焉耳此在他處皆無而惟蘇松海洋有之豈非天生自然之利也哉嘉靖戊午荆川唐公捧檄至吳與督府梅林胡公兵憲鏡湖熊公毅然弛禁沿海數百里窮民踴躍出海自是厥後海烽久熄未必非由此以致之禦海洋之說有明徵矣或問約束之法奈何曰邇來漁舩出洋輔以兵舩相須而行協力而戰取甘結給旗票謹盤詰驗出入船回之日當道委官抽稅以助軍餉此法美矣而未善也何也漁

船專欲覓利兵船專司擊賊其志不侔其力不協況所  
稅能幾何而欲分其所有也哉如愚見莫若兵船專於  
把港勿用出洋但令願捕魚者籍名於官立首領編旗  
甲保以耆民大戶示以盟約如殺賊而有功也照例陞  
賞永許採捕若縱賊近岸則一體坐罪永不許其出洋  
凡漁利與所獲賊貨悉以畀之如此則漁人皆以禦寇  
為己責感恩畏罪捨死直前豈不愈於督之以兵船耶  
噫必如此而後為經久之計也

海防論二

蘇州海防與松江不同松江有海塘而無海港其設備也以陸兵為主蘇州有海港而無海塘其設備也以水兵為主何謂有海塘而無海港蓋松江之海起於獨山而迄於小湯窪迢迢二百四十八里皆有護塘為之限隔高厚如城別無港汊可以通海護塘之内外相夾皆水也在内者謂之運鹽河又謂之橫港在外者謂之塹濠又謂之護塘溝昔人所以築此塘者本為捍鹽潮恐

其害苗也國初用為金湯以備倭患設衛所壑堡於塹濠之外寇至則捍禦於海岸灘塗不容登泊萬一不支則踰塹而守寇進不得攻退無所掠護塘之功用豈小哉邇年塹濠多湮護塘海岸合為一片寇至即聚於護塘而運鹽河之內水田狹隘難於屯禦大可慨已為今之計必須浚治塹塘丕復衛所壑堡之法選集陸兵委知兵叅將精練於平時遇汛則分布信地協守互援無容一賊登岸則松江海防庶幾其無悞乎何謂有海



港而無海塘蓋蘇州之海起於嘉定之寶山洋而迄於常熟之白茆港其間水口之大者曰吳淞江曰劉家河曰七鴉浦曰白茆港其次則綵洶黃窪新塘萬涇之類皆潮汐之所往來沙船之所出入原未嘗築塘以限隔之也故倭舶乘風乘潮可以衝突而我兵船亦可駕風揚帆以哨以禦向來吳淞江口副總兵親提重兵結水寨以控扼之而劉河七鴉白茆亦各有把總兵船分守具備不可謂不密矣但各兵船畏懼颶風常潛泊於港

內賊至或不知或知而禦之不及又各枝自分彼已不肯協力應援俟賊入港然後官兵擊之吁不亦晚乎為今之計必須巡撫軍門立為限時限程之法信賞必罰

詳見上卷舉要兵戒條下

如有債事罪坐水兵官問以故縱之律則

蘇州海防廢幾其無悞乎或者曰松江無海港固不重乎水兵矣海岸之外可不設舟以巡哨乎蘇州無海塘固不重乎陸兵矣海岸隨處可登可不設兵以防守乎曰是不然松江海難皆淖泥也潮至時舟雖可以逼岸

而易於閣淺潮退時舟不能近岸須涉淖泥中行二三里或七八里哨舟何處可泊乎向來原設遊兵船巡視於洋中整堡軍瞭望於岸上所患者上之人不肯嚴夫失報之誅則人莫肯盡其心耳蘇州海濱處處皆有整堡若勤於瞭哨則各港水兵響應而逐之各巡司弓兵與地方團營兵併力以禦之賊豈能遽犯哉所患者上之人不肯嚴夫坐視之罪則人莫肯盡其力耳

海防論三

海防之策禦寇於海洋海岸既已詳言之矣若論今時  
至計則為今日之大憂者似不在於海而尤在於留都  
留都海防相為表裏何也我祖宗根本之地乃邊方所  
覘以為向背者也故兵法曰居中以制外向來留都所  
設四十八衛養驕氣傲跋扈難制其禍至於殺戶侍而  
姑息撫安譬之癰腫已成難救藥矣廟堂遠覽取總兵  
之有重望者坐府彈壓此見雖善尚覺不能無遺慮也  
蓋總兵之所以負重望者由其統大兵於海上得展方

畧焉耳非謂子身兀坐即能懾服乎奸宄之徒也若但以其官高望重而使之帶千數之苗兵無所作為無所誅賞而空臨於京師數萬卒之上吾不知此總兵者平時雖號勇敢其謀猷學識果太公望諸葛孔明之儔而一言一動盡可以默禡夫桀黠之膽乎設使舉動之間少有輕率啓釁則素望將損而前車再覆今日駕馭之微機或為自伐之拙謀矣不類於樗蒲之孤注耶如愚見須以功能素著總兵一人如俞大猷戚繼光者置之

於吳淞江口而帶銜於留都列諸五軍都督其所轄陸  
兵叅將則專駐金山精練馬步兵數千以固守乎松江  
之海塘水兵叅將則分駐竹箔營前二沙精練舟師萬  
餘哨守乎蘇州之海港春汛將近則總兵親駐吳淞江  
以為叅遊之領袖小陽汛亦如之防汛畢日則總兵歸  
坐五軍都督府而調水兵一半至龍江關與南京水軍  
夾操陸兵一半至大教場與南京陸軍夾操更番去來  
踪跡無定嚴明賞罰權柄不移而海濱水陸所存之兵

則委之叅將督練防守如是則隱然示在外之兵至強  
至衆足以防護皇都而若無藉於四十八衛在外之將  
愈出愈竒足以定禍變而不專倚乎五府兵部所以陰  
折夫羣邪眇視之心而貽留都之安者何如也留都安  
則海濱鹽盜之徒不敢嘯聚而海防之政益易於修舉  
矣京師海防一舉兼得未知廟堂以吾言為然乎否耶

#### 海防論四

善論海防者不狃一時之見而為經久之圖要在通變

得宜而已蓋法有宜於昔而不宜於今者有宜於暫而  
不宜於久者有宜於久而不可易者何謂宜於昔而不  
宜於今夫沿海備倭官軍逃亡原籍清勾舊制也今則  
隨勾隨逃無補實用此清勾之不必泥也沿海堡寨兵  
數不足他衛撥軍貼守舊制也今所在多事自救不遑  
此貼守之法不必泥也片板不許下海舊制也今之沙  
民採捕為生禁之太甚別生他慮此下海之禁不必泥  
也何謂宜於暫而不宜於久夫調募客兵水陸分布今



曰應變之計也然客兵不可久留錢糧所當節省此調募之不可久也海防告乏加賦帶徵今日權宜之術也加之不已民力何堪此加賦之不可久也何謂宜於久而不可易夫停止清勾矣則召募土兵養以軍餉伍豈常虛乎免行貼守矣則團練鄉兵充實堡寨奚必軍衛乎調募不可久矣則訓練土兵以漸裁遣何患乎無兵乎帶徵不可久矣則多置屯田開墾荒蕪何患乎無食乎因祖宗之舊制而潤澤之寇至則有備無患寇去則

不廢恒業雖行之萬世無弊也必欲一歲支却一歲一番殺却一番則竭天下之兵食猶慮弗繼豈蘇松二郡之所能支耶

### 海防論五

浙西海防蘇松嘉杭四郡雖有浙直之分利害安危實同一體何也壤地相聯唇齒相依故也昔我太祖畫壤之法犬牙相制義正在此愚嘗循海壩而觀之蘇州有海港而無海塘宜以水兵為主而岸上哨守之陸兵佐

之松嘉二郡至海寧之澉浦皆有海塘而無海港宜以陸兵為主而海外巡哨之水兵船佐之向來倭寇內侵必由老鸛嘴以南抵於澉浦一帶海岸登泊而把守之官縱而不究良由浙直互相推諉各分彼此總督衙門不行連坐之法故也若一處警報左右互相夾逐賊豈能登犯哉昔者朝廷建設總督弊猶若此今革總督而浙直督撫衙門位平勢埒豈能賞罰會同而不悖哉所宜建言於朝哨守海岸之官比照海中會哨兵船事例

立為稽查策應之法一有登犯兵備衙門查究信地及左右相近哨守姓名叅提同罪則浙江海防嚴禁有裨於直隸直隸海防嚴禁有裨於浙江輔車之勢成而浙江地方皆可以無虞矣雖然其要尤在浙直督撫衙門各令賢能屬官造圖貼說地形險要如何哨守如何應援水陸兵士如何操練如何分合二省軍門准照會議同心協力而行無有乖異夫然後為可久可大之業也

兵船會哨論附錄

籌海圖編內會哨論云浙東地形與福建連壤浙西地形與蘇松連壤利害安危各有輔車相依之勢故上命浙江巡撫總督浙直福軍務分哨各官互為聲援而不許自分彼己畫地有限責任相聯此廟謨之所以為善而防禦之所以為固也愚考海中山沙南起舟山北至崇明或斷或續暗沙連伏易於閣淺賊舟大者不能東西亂渡如遇東北風也必由下入陳錢馬蹟等山以犯浙江而流突乎蘇松如遇正東風也必由茶山西行以

犯淮揚而流突乎常鎮如遇正北風也必由琉球以犯  
福建而流突乎溫台三途寫遠瞭望難及須總兵官撥  
遊兵把總領哨千百戶等船往來會哨

以交信  
票為驗

其在浙

江也南則沈家門兵船哨至福建之烽火門而與小埕  
兵船相會北則馬墓港兵船哨至蘇州洋之羊山而與  
竹箔沙兵船相會其在蘇松也南則竹箔沙兵船哨至  
羊山而與浙江之馬墓港兵船相會北則營前沙兵船  
哨至茶山而與江北之兵船相會諸哨絡繹連如長蛇

羣力合併齊如扛鼎南北夾擊彼此不容豈惟逐寇舶  
於一時殆將靖寇患於無窮矣

聯屬諸哨責在巡撫須遵初制重其事權仍加以總  
督之任浙直始盡歸統屬不然東西互為參差南北  
兩相牽制會哨之說祇應故事耳緩急奚賴哉


若曾再識

# 蘇常鎮江防圖

崇明縣界

江南縣界


三十八





欽定四庫全書

卷一下



除西場

海縣

張港司

天港

李梢港

趙港

柳九港

大橫港

烟頭港

小梅港

青水港

許浦

有巡司其防守但兵寡  
不足以備陸戰更宜設處

常熟縣界

高明沙

千步澗

野兒澗

張澗

宋六澗

千步壑

許浦水寨

許浦巡司

許浦


黃四浦





許浦壑


許浦鎮
















黃田港險要  
詳說見後









李家港

桃花港源港險要詳說見後

洪海口

桃花港

新港

源港

源港巡司


源港關

顧家壑

黃山險要詳說見後


江南經畧


二十四



刺銀壑

村港壑






魚邊鋪

卷一下

口岸巡司



南宮沙

耿公廟

界港


三聖港

清水港


棚江壑


丹徒丹陽界


新河壑























# 江防論一

謹按長江下流乃海舶入寇之門戶也溯江深入則留都為之震動所繫豈小小哉故備禦江之下流乃所以保護留都至要至切之務也向來夾江南北分兵戍守遊兵船往來巡哨於其間江防不可謂不密矣然而寇不聞息者豈無說哉良由撫操巡江官聯之義不明故耳何也我朝大江南北各設巡撫留都專設操江巡江所勅信地雖殊而四院事體則相關而不可分也今操



巡專管江中之寇寇若登陸則讓曰此巡撫之事也巡撫專管岸上之寇寇若入江則讓曰此操巡之事也一江南北吳越頓分同握兵符爾我相遜何惑乎江寇之弗除也哉如愚見莫若先正官聯官聯者聯屬四人為一利害休戚異形而同心戰守賞罰會謀而齊舉如江寇而登陸也操巡督發江船進內港以協捕之陸寇而入江也巡撫督發哨船出外江以策應之庶乎寇計窮而無所容江中其永清矣江患息則留都萬億年鞏固

而不搖江防之策孰先於此

## 江防論二

海船入江必由崇明南北二路縣後區擔二沙在縣之北易於膠淺凡舟之輕小者由此而行竹箔宋信嘴在縣之南其水淡窪凡舟之重大者由此而行二路堵截更無入江之路矣崇明者天生北沙以鎖江之水口江防第一關鍵實在是也過此以西方論營前靖江金焦此設險之大旨也向之建議者設將官結水寨分守乎

江之兩岸而海口入江之處止以崇明官兵禦之遊兵都司應援之愚以為非計也海口兵力孰與江中諸寨之多分戰江中孰與併力禦外之易似宜立為規制賊尚在海之時江南江北兵船分番互出常以一半至海口協守崇明南北二路舟衆力齊則賊必不能入江矣此守江之上也舍此不務容賊入江江中之師艤散力分欲望其能勝敵得乎雖然擒江賊亦無難所患者我兵自分彼已不若敵膽之合一耳若賊過營前沙而營

前之江南江北火速出援左右翼擊不坐視乎營前  
之兵之受敵也過靖江亦如之過金焦亦如之賊進不  
得前退無所遁我兵有增而無限賊舟有限而無增勝  
負不亦較然矣乎愚故曰江南北二巡撫與操巡必四  
人同心而後可濟也

### 江防論三

今之論江防者孰不曰營前沙者大江之第一關鍵也  
靖江江陰其第二也瓜儀京口其第三也守此三者則

海寇不能飛越而窺留都以愚觀之殆不然何也京口雖係江南諸郡咽喉然從古寇犯金陵未有由此而進者以沿江南岸疊嶂如屏而潤州秣陵之間夾岡險陂無港可達故也若從通泰二州登陸循江北內地而行屯兵六合分師渡蕪湖采石走太平而北豈非地勢之至要至要者歟故保留都須嚴江防嚴江防須重江北賊計狡猾常避實而擊虛不可但以江中之關鍵為恃而為賊所紿也

江淮要害論附錄

萬里海防內論江淮要害云天下之水在北莫大於河  
在南莫大於江常鎮淮揚當江河入海之際雖極大艚  
艦皆可乘潮而入近歲倭寇佯言分劫其心之狡實欲  
自長江趨留都自淮河以窺中原而終不敢深入者由  
四府之防禦堅也必水陸常會哨互援蒼福諸船順流  
以遏賊鋒或出賊後賊若登岸則以團練之兵禦之此  
常勝之形也四郡無患則中原留都可以高枕而臥矣


江防議附錄


唐荆川云海賊入江由江兩岸登陸之路瞭角嘴營前  
沙南北相對海面約濶一百四五十里為第一重門戶  
狼山福山相對江面濶一百二十里為第二重門戶周  
家橋與圖山相對周家橋北岸至順江洲與江南分界  
江面約濶六七里順江洲至新洲夾江面約濶七八里  
新洲夾至圖山南岸江面約濶十四五里為第三重門  
戶三處領水兵官須整備船艦晝夜緊守三重門戶勤

勤會哨以防春汎門戶既固堂與自安若三門稍有疎虞至不得已而守金焦兩岸斯為下策與無策矣



# 太湖全圖





太湖考

太湖在蘇州府城西南三十餘里東西二百餘里南北一百二十里周五百餘里占蘇常湖三府引西來發源諸水從長橋水口流入吳淞江又東流二百六十里入海

王司業同祖考畧云太湖在蘇州西南境禹貢謂之震澤周官爾雅謂之具區國語史記謂之五湖左傳謂之笠澤揚州記曰太湖一名震澤一名笠澤一名洞庭山

海經曰浮玉之山北望具區是也周官既云其澤藪曰具區又云其浸五湖似五湖別有所在然范蠡乘舟入五湖司馬遷登姑蘇望五湖實又指此且揚州之境水大者無過於太湖其為具區甚明而歷考傳記所載五湖即是太湖非別有五湖也張勃吳錄曰五湖者太湖之別名以其周行五百餘里故以五湖為名虞翻曰太湖東通長洲松江南通烏程霅溪西通義興荆溪北通晉陵溇湖東連嘉興菲溪水通五道謂之五湖陸魯望

曰太湖上稟咸池五車之氣故一水五名圖經以貢湖  
游湖胥湖梅梁湖金鼎湖為五韋昭以胥湖蠡湖洮湖  
滬湖并太湖為五郭璞江賦以具區洮滬彭蠡青草洞  
庭為五初學記云或說以射湖貢湖上湖長塘湖滬湖  
為五按左傳越伐吳吳子禦之笠澤國語吳越戰於五  
湖可見五湖之為一湖甚明也然今湖中亦自有五名  
曰菱湖在莫釐之東周三十餘里曰莫湖在莫釐之西  
北周五十餘里曰游湖在長山之東周五十餘里曰貢湖

沿無錫老岸周一百九十里曰胥湖在西山之西南周  
六十里五湖之外又有三小湖夫椒山東曰梅梁湖杜  
圻之西魚查之東曰金鼎湖林屋之東曰東臯里湖而  
吳人稱謂則總曰太湖越絕書稱其大週三萬六千頃  
連蘇常湖三州之地湖中有七十二山其大者曰東西  
二洞庭馬蹟次之山居人甚多閭巷井舍鱗次蟻聚無  
慮數千家茂林平野彌望百里可謂大矣然考之太湖  
上流其西北自建康等處入溧陽邈迤至長塘湖并潤

州金壇延陵丹陽諸水會於宜興荆溪以入其西南自宣歙池州武陵天目富陽下湖之安吉武康烏程長興合苕霅山溪諸水以入數郡之水瀦滙於湖汪洋浩瀚不可涯涘而東達於三江以入海其底定也則灌溉民田為三吳美利汎濫也則浸淫數郡而民被其大害是以古人之治之也疏其源使水有所入導其流使水有所歸皆為民興利除害而已觀其置五堰於溧陽以節宣歙金陵九陽江之水使入於蕪湖以北入於大江開

夾苧干於宜興武進之境東抵太湖北接長塘湖西連  
五堰所以洩長塘湖之水以入太湖洩太湖之水以入  
大吳瀆塘口瀆白魚灣高梅瀆白鶴溪而入常州運河  
之北偏十四斗門北下江陰之大江所以殺西來之水  
使不入於太湖而皆歸於江也又以荆溪不能當西來  
衆流奔注之勢遂於震澤之口疏為百派謂之百瀆而  
又開橫塘以貫之約四十餘里百瀆在宜興者七十有  
四在武進者二十有六皆西接荆溪而東通震澤者也



又於烏程長興之間開七十二漣在烏程者三十有八  
在長興者三十有四皆自七十二漣通經逋以殺其奔  
衝之勢而歸於太湖也太湖上流諸道水之來源若此  
而所以洩之者則惟於三江是賴焉太湖東出吳江縣  
之長橋為吳淞江繇吳淞江東流以入大海此震澤洩  
水之大道也然洩水之處各有區域蓋不止於吳淞江  
而已曰鮎魚口曰胥口曰白洋灣曰管瀆曰小溪港曰  
瓜涇曰夾浦曰張家河曰北車橋曰槎湖溪曰上瀆港

曰陸家港曰虎山橋曰石家浜曰南宮曰蒯家涇曰九  
曲江曰後塘橋曰梅梁溪曰龍塘河曰迎城山曰菱湖  
港曰太平橋曰澤塘浜曰灌漑浜曰和尚浜曰長洛浜  
曰王家漾曰山徑港曰渡水港曰黃漑港曰後保河其  
他支流不可殫記皆所以洩太湖之水以東入於三江  
諸浦而歸大海者然以江湖形勢觀之大要宣漂以上  
西北之水可使入於蕪湖以歸大江而不可使注於荆  
溪蘇常以下東南之水可使趨於吳淞江歸大海而不

可使積於震澤此治水東南之大者也然形地有高下  
時勢有古今水道有通塞治之之法又未可泥也

太湖沿邊設備之圖

吳江縣界

自西而東

牛家港

楓家港

姚家港

雙林港

薛埭港

西丁家港

吳淞

南路家港

許家港

自此接湖州府烏程縣湖淞

此水大通舟不堰

欽定四庫全書

卷一下

方港

張港

葉港

曹家港

船家港

東丁家港

五界小港

順家橋港


陸家港

亞廟港

更港

此水大通舟不堰

此水通舟不堰



楊蘇港

小楊港

王家港

徐楊港

豆齊港

南顧港

沈家港

張家港

通港


大廟港

鄭家港

此水大通舟不堪

江南經界

五十一




簡村巡司

簡村險要  
詳說見後

江南經畧

卷二





此處鹽盜  
出沒無常

吳家涇

東溝新港

西溝新港

西鬼掌港

棚關口

方港

直濱

茅寮港

韭溪

此水漫鶯脰南麻諸湖之  
水入太湖

此港大通舟不堰

此水通舟不堰

此水大通舟不堰

循湖塘折而北

石塘灣係  
鹽盜出沒

白龍橋港

此後皆石塘

循湖塘又折而西

微浦橋港為橋  
九為實一百三  
十六餘皆石塘

松陵驛  
儒學

吳松江口係入  
湖第一險要

長橋為吳  
松江上游

吳江縣

自此折而東北

吳江與吳縣分界

自此又折而西

七里港

此處險要


此處係入  
石湖險要

鮎魚口

錫杖港

莫舍灘

石湖



此處險要

洞窟山

東山巡司

策山

長沙山

元山

此處險要

洞窟山

丹頭巡司

此處係入太湖險要

長沙門

璚橋港

香山港

胥山


胥山


香山

銅坑山

玄墓山

吳縣與無錫分界







欽定四庫全書

卷一下

此處獨山  
吳塘浦嶺  
三門險要

獨山

獨山門

管社山

吳塘門

吳塘山

塘子澣

長廣溪自此入太湖

派自此入太湖

無錫與武進分界

蒲嶺門

充山

梁溪分派入湖


閘江口

歷山

梁溪自此入湖

此處險要

馬跡山



武進宜興分界

自此又折而西南

戚墅港

下瀆

陳莊瀆

符瀆

五十瀆

墓瀆


葛瀆


黃瀆


堵店瀆

橫

塘







此處險要

張濟

北朱濟

河濟

張新濟

土濟

南朱濟

魏濟

凌濟

呂濟

烏濟

王塔濟

梅濟


定濟


橫


塘

荆溪









宜興與浙江湖州府長興縣界

自此又折而東南

金村港

上湖港

吳淞港

烏橋港

謝莊港

丁家港

鶴龍港

石塘港

杭甬港

石塘港

金塘港

開村港

新塘港


竹橋港

江南總署


此處險要

長興與烏程分界

自此湖塘又折而東




此處險要



欽定四庫全書

卷一下



自此接吳江縣  
牛家港

## 太湖兵防考

太湖向無官兵防守嘉靖三十四年巡撫都御史曹公  
邦輔因海壩告警於東洞庭山置司馬寨梁山哨渡船  
營北湖口營長圻寨烽圻寨毛園哨嘶馬哨西洞庭山  
置鼇山寨丹頭寨石公寨圻邨寨以耆民為團長選練  
鄉兵守禦

## 湖防論

太湖古震澤也一名具區又謂之笠澤延袤五百餘里



雄跨蘇常湖三境自宣歙以東富陽以北諸溪山之水  
咸吐納焉全吳巨浸無大於此論水利則三郡田賦豐  
歉繫焉論兵防則三郡封疆安危繫焉全吳利害亦無  
大於此向來論經畧者多未之及此無他圖志弗詳阨  
塞無考故也若曾遍閱史誌及訪耆艾太湖圖古所未  
有王文恪公鑿始作之嘗覓而觀之僅可以供賞鑒考  
勝槩而已而險要防守皆弗之載豈非古今一大曠典  
耶乃操小艇歷五湖越半載始有所得凡港瀆通塞之

蹟古今同異之名何者為水利之所關何者為兵防之所要悉詳識之而繪為二圖繪全湖之圖者昭形勝也繪沿湖之圖者詳區畫也庶司兵者得有所據以便規畫矣或曰東西洞庭及濱湖諸山古來兵燹莫及奚必議守禦而圖之曰自古大兵之下江南也或從京口或從三壩志在城郭則山林必在所遺若島寇則不然志在擄掠棄無就有今腹內諸邨鎮搜括已盡其志必在未經兵燹之處則沿湖諸邑非所當防者耶况自宜興

至金陵為道甚捷皆今日兵議所未及也其可不思先  
事之防乎或又曰湖中風波與江河異若之何其禦之  
曰此非漁網船不可也何也江船與海船不同海船與  
內河之船不同內河之船與湖泖船又不同內河之船  
即今之官航民舶是已人所共見無俟贅言江船大者  
為川為襄小者為滿江紅為擺渡之類海船十餘種

廣東

新會船東莞船大福船草撇船海滄船開浪船高把梢  
船舢舨船蒼山船八槳船鷹船漁船蜈蚣船兩頭船網

梭船沙船

若曾各圖形於籌海圖編可覽而知若湖泖之船

雖生長吳地者問之多不知況以宦游之人而知用之乎請詳言之夫湖泖之船大小不齊運石者謂之山船運貨者謂之礪船民家自出入者謂之塘船衛所巡司所用者謂之巡船鄉夫水兵所駕者謂之哨船往來津口者謂之渡船之六者雖皆習知湖中風濤之性尤未若漁船之便利也漁船莫大於帆罟其桅或六道可裝二千石或五道可裝一千或四道可裝一千無間寒暑晝夜在湖每二隻合為一舍素為賊之所畏雖蓄貲鉅萬賊不

敢近也。瞬而躲之太湖中，攻戰此其最善乎。此船小者，

亦可入港。桅三道，

可裝五百石

二道，

可裝一百石以下

是也。江湖中

皆有之。若風息時，無問大小，皆不適用。蓋帆罟之所利

者，狂風怒濤也。其尾無櫓，其傍無槳。風息帆弛，即不如

巡哨船之擊節為有用矣。其次為邊江船，

大者可裝二千石，以漸而

降至於裝一百石

自五桅以至二桅，亦專使帆無櫓與槳。其中

號以下者，可入港最大者，不可入港。若欲出揚子江，則

由錫山高橋下江水寬處行，然須重載壓船，喫水方可。

過高橋也其次為廠梢船

大者可裝六七百石漸降至六七十石

又其次

為小鮮船

即湖中航船是也大者不滿一百石其小可知

二者皆有帆而有櫓

邊江廠梢商賈賃之遠游荆襄近往江北小鮮船亦為通販之用皆湖中之漁舟而兼事乾沒者也又其次為剪網船亦合二隻為一舍船雖狹小第一迅駛又其次為絲網船駕駛不過三人而風帆迅駛人亦堪用此二者各湖所共有也又其最小者為划船三四人盪槳如飛疾於剪網但不用風帆不利湖浪用之以探報諸舟

所不及矣其遇賊也以槳超淖泥潑賊舟舟滑難立大為賊之所憚此船惟吳江長洲二縣有之他邑皆無而吳江之二十九都者慣一行劫至為可惡凡此皆漁船之可用者也其他湖泖內港漁船尚有掣網船一人坐於船首掣魚者是趕網船一掣一趕者是逐網船一二口網在於船頭者是罩網船秋冬罩魚夏月則歇而捕田雞者是江網船立木於吳淞江鮎魚口之類兩架相峙其人登架其船下泊者是澹網船一隻帶頭一隻安

坐塘岸上起網者。是此六者皆遲鈍不適於用。所適用

者。惟鷓鴣船。

一名水老鴉


一櫓一槳。或二槳出於吳江長洲

二縣。其駕使不過二三人。其迅駛埒於剪網。善用之大為軍旅之助。或又曰。太湖港口無慮百數。焉得港。港而設備之。曰。是不然。湖口雖多。通舟往來者。不過如吳江縣之韭溪。葉港。雪落。洪。冊。關。鮎魚口。吳縣之莫舍。淩胥口。港無錫縣之獨山。浦。嶺。吳塘門。武進縣之馬蹟山。宜興縣之荆溪。東蠡河。忻溪。直瀆之類。可指而數也。各




練鄉兵守之而以巡哨船為之探報帆罟邊江等船常居淡水賊豈能入湖也哉然大小漁船未經刷集一旦用之欲望其出死力不能也須平時籍之於官蠲其重役專委一廉仁有司點閱之則庶乎不敢規避耳


吳淞江全圖



欽定四庫全書


江蘇通志  
卷一下








欽定四庫全書

卷一下









嘉定縣界

崑山縣界

崑山縣界

長洲縣界

界浦

新洋江

吳淞江長二百五十餘  
里廣一百五十餘丈西  
接太湖東入北洋

江南經畧

吳江縣界

湖里九

楊里九

崑山湖

三河

長洲縣界

界浦

千壆

崑山縣界

石閘


松江府界

松江府界

小白鶴港

嘉定縣界





吳淞江考

吳淞江禹貢三江之一為震澤入海之道跨吳江長洲  
崑山華亭嘉定上海六縣境酈善長水經注松江自湖  
東北逕七十里分流謂之三江口史記正義云蘇州東  
南有三江口西南上七十里至太湖曰松江古笠澤江  
東北上七十里至白蚬湖曰東江亦曰上江東北下二  
百餘里入海曰婁江亦曰下江其分處號三江口

一說吳淞

江口白鶴江口青龍江口謂之三江口地勢低於震澤  
三丈潮水來時水高三丈到震澤底定所以謂之平江

按青龍之名本於孫權白鶴開於朱嘉祐時豈可附會震澤底定之三江乎庾仲初揚都賦

注亦云松江下七十里水口分流東北入海為婁江東南入海為東江并松江為三江其源出吳江長橋下東流至尹山北流至甫里東北流至澱山北合趙屯浦又東合大盈浦又東合顧會浦又東合崧子浦盤龍浦凡五大浦至宋家橋轉東南流入海蘇東坡有言三吳之水瀦為太湖太湖之水溢為松江以入海海水日兩潮潮濁而江清潮水常欲淤塞江路而江水清駛輒隨滌

去海水常通則湖中少水患宋景祐初范文正公仲淹  
親歷海濱開濬五湖東南入吳淞江東北入於海崇寧  
二年徐確提舉常平考禹貢三江之說以為太湖東注  
於海松江正在下流潮泥湮塞水溢為患請自封家渡  
古江開洶至大通浦直徹海口七十四里大觀中兩詔  
疏濬復置十二牌宣和間都水趙霖更加開鑿淳熙二  
年立庸田司於平江撩漉吳淞江沙泥十三年又開洶  
湮塞去處自大盈諸浦洩水入海時江面廣一百五十

餘丈袤二百五十餘里歷元日就淤塞大德八年都水  
任仁發以吳淞故道湮廢為浙西居民害奏請疏導西  
自上海縣界吳淞舊江東抵嘉定縣石橋洪迤邐入海  
長三十八里一百八十一步三尺溪一丈五尺濶二十  
五丈十年又開江東西兩處河道自上海縣界趙屯浦  
大盈浦白鶴江分莊嘴樊浦西浜盤龍舊江計長三十  
七里三百二十二步濶二十餘丈溪一丈五尺既又於  
廟涇以西盤龍以東開挑出水口子五處并新涇安置

木閘二座一至江二里三百三十九步一至江一里四十七步尋北一座上源太湖水勢湍急衝倒泰定初復開舊江二道北大德所開里數三之二湊濶如初於嘉定之趙浦上海之潘家浜烏泥涇三處各置石閘二座建置乖宜旱澇交病至順元年因浚烏泥涇閘內舊河長五百一十步濶五丈深一大五尺水勢流通其患少弭至元四年又充鑿之六年復濬潘家浜閘內舊堰直河又於張涇盤車二堰置閘湊濬外河導水歸海至正

元年撈捄江北南岸下沙泥浚淤各閘舊河直道淤濶  
永樂二年尚書夏公原吉濬崑山縣東南夏駕浦掣吳  
淞之水北達劉家河挑嘉定縣西顧浦引吳淞之水貫  
吳塘由劉家河入海江之東段未曾施工正統五年廷  
臣奏言江南賦稅多取給於蘇州其田卑下常有渰溺  
之患宜設法疏濬以利生民詔下巡撫侍郎周公忱兼  
總其事因檢視吳淞江直流百餘里東連大海西接太  
湖南北平坦滋生蔓草民漸開墾成田江水壅塞不能

通流親往江上立表江心盡去壅塞水得疏洩天順三年巡撫都御史崔公恭咨訪吳淞江利病躬詣其地督工挑浚分為三段崑山縣自夏駕口至白鶴江挑四千六十七丈上海縣自白鶴江至卞家渡挑四千六十七丈嘉定縣自卞家渡至莊家港挑五千六百七十七丈各溪一丈一尺面濶十丈二尺底濶四丈出舊江一萬三千七百一丈成化八年巡撫都御史畢公亨巡按御史鄭公銘水利僉事吳公瑋濬江東自嘉定縣徐公浦西



至崑山縣夏駕浦凡一百三十里十年又檄蘇州知府  
丘霽重濬江面濶一十四丈五尺底濶八丈五尺水深  
一丈二尺自夏駕口起至西莊家港嘉定縣分挑六千  
三百五十三丈六尺崑山縣分挑五千三百五十三丈  
七尺弘治元年僉事伍公性濬江中段四十餘里弘治  
八年工部侍郎徐公貫會同巡撫都御史何公鑑委蘇  
州知府史簡開濬吳江縣長橋水竇疏太湖之水以及  
吳淞江委松江府通判郝希賢濬吳淞江自帆歸口至

分莊嘴七十餘里并開大石趙屯等浦洩澱山湖水由  
吳淞江以達於海嘉靖元年巡撫尚書李公充嗣檄蘇  
州知府徐讚松江知府孔輔等濬江下流自夏駕口起  
至龍王廟舊江口止共長六千三百三十六丈二  
尺濶一十八丈深一丈二尺又檄湖州府同知徐鸞濬  
大錢小梅等港并沿湖七十二澮以通太湖之上流蘇  
州府通判孔賢濬趙屯大盈道謁等浦使上流下委遞  
相容洩又於夏駕浦新洋江二河與吳淞交會之處建

石閘一座節制江流使不斜趨阻遏渾潮使不倒流二  
年工部郎中林公文沛又令崑山上海二縣濬江淤淺  
處二段共長四千三百七十七丈使澱山等湖之水由  
是入海三十餘年無水患邇來水利官曠職不修潮泥  
日積無所洩瀉太湖因之奔壅為患滋甚疏濬之功其  
可少緩耶

劉家河全圖

東

大海

倭船從東南洋  
來此港口為太  
倉第一衝要

水寨

劉河巡司

北野溝

劉家河口

南野溝

張家行


北


大邑司軍營


江南經畧

七十八

南







# 劉家河考

劉家河在太倉州東南七十里為婁江之委

崑山續志云崑山塘

自婁門歷崑山縣以達於海即婁江也今俗訛為劉家港云

乃震澤之尾閭震澤之

水東走而入海者為吳淞江北走而入海者為劉家河

其港口即大海元時於此設海運

鄭明德僑吳集云海舟歲當春

夏運畢集劉家港國朝永樂間中使鄭和通海外諸國亦道此


立分鎮水軍萬戶府於

其地至元二十四年水滂為災宣慰朱清諭上戶開浚

自郡城婁門導水由劉家港以入於海水勢順下不至




為害張士誠據吳復加疏濬永樂元年尚書夏公原古  
濬崑山縣東南夏駕浦掣吳淞江之水北達劉家河二  
年復濬嘉定縣西顧浦南引吳淞江水北貫吳塘亦由  
劉家河入海用鮮水患港口濶二里自港而西為北漕  
漕為廉長河又西為北寺溝為揚子涇為小塘子為三  
江口為石婆港南盤曲處為湄場灣北為新開河為青  
福涇為菖蒲涇為半涇皆其支流也邇年以來港口為  
舟師所居下流壅塞淤漬日積此水利之所宜振舉者也



欽定四庫全書

卷一下



白茆河考

白茆河在常熟縣東南輸昆承湖陽城湖而注之海往  
時水由是行濶六十丈長亘九十里通潮往來吐洩湖  
泖宋紹興中大理丞周環言臨安平江湖秀四郡低下  
之田多為太湖積水浸灌緣溪山諸水連接併歸太湖  
東南由松江入海東北由諸浦入江其沿江洩水惟白  
茆浦最大宜令有司相度開決下兩浙漕臣按視發帑  
疏濬隆興乾道淳熙間因監司鄭興裔郡守沈度等言

相繼開鑿咸淳元年復自黃沙港開至支塘橋張士誠據吳開白茆港與劉家河分殺水勢又設爬沙之夫歲加疏濬以為常數十年間無水患永樂二年尚書夏公原吉疏濬白茆蘆諸水入揚子江復相度地勢於河水交會之衝慮水獨從七浦入海因作斜堰障之分其流注於白茆民有所賴久之潮沙日漲罕施疏治港漸狹小又有水之獨出七浦而決壞斜堰者於是水遂改道更無流波衝洗潮泥而漲沙日甚一日隱然成堤景泰

五年夏大水渰浸田禾經久不退侍郎李公敏與蘇州知府汪濬議浚白茆等塘以洩之濬至常熟相視近民耄倪皆臥泣隄上以求免言一開濬則堰下之田亦且就浸濬不許強之挑濬青塾浦橫瀝塘共五六里以通白茆塘鑿開三堰約三四里引水通鮎魚口其海口淤塞漫生叢葦仍挑去約千餘畝於是水得歸海弘治八年工部侍郎徐公貫會同巡撫都御史何公鑑以長吳崑山常熟嘉定等縣民夫五萬九千人專事疏濬東起

海口西抵支塘凡長六千五百五十五丈港面濶五十  
六丈傍溪一丈七尺令崇明縣出巨艦相連內向爬去  
壟沙棄於海中一時因白茆而濬其上為鮎魚口傳導  
湖水來派有新開河龍潭洪白茆洪落星港濬之總計  
六千四百丈并濬尤涇長九里鹽鐵塘長十八里由是  
諸涇港首尾皆貫於白茆而水有所歸嗣後旋復淤塞  
正德十六年巡撫尚書李公充嗣發民夫起常熟縣東  
倉至雙廟濬白茆故道一萬七千三百九十二丈濶一

丈五尺濶三十三丈親駐支塘博詢士民開出水口議  
論不一李公與蘇州知府徐讚擬循故河疏治常熟縣  
主簿余浪獨主鑿新河李公按視形勢以其議為是遂  
鑿新河三千五百五十丈又濬尚湖昆承陽城等湖支  
河一十九道又慮白茆港口海潮日至沙泥易淤則為  
石閘一陽城湖水至斜堰分流七浦塘可以少殺白茆  
之流則為堰一本河舊有備倭軍營及巡檢司俱遷改  
新開河口後又添設水利署倉房龍王廟邇來潮沙淤



積日漸湮塞濶者不過四五丈狹者不及三丈水湫不  
過三四尺若不疏濬全吳北境難免水患當事者可不  
重加之意乎

黃浦全圖

大海

東

口海

捍海塘

外護塘

南

卷一

江南經畧

八十五



# 黃浦考

黃浦為松江府南境巨川戰國時楚滅吳封春申君黃歇於故吳城命工開鑿土人相傳稱為黃浦又稱春申浦受黃橋斜塘秀州塘諸水東北會吳淞江以入於海其所宣洩視他浦最為要害往時東江濬利其分流入黃潦涇抵詹家滙不能至黃浦至南折奔注東江入海甚徑易自東江湮沒諸水皆屈流入黃浦勢頗紆緩浦之廣淡僅半吳淞江逮永樂二年尚書夏公原吉以吳


淞江淤塞頗多施功甚難乃開崑山之夏駕浦嘉定之顧浦掣太湖之水入劉家港又以黃浦為通吳淞江要道度其旁有范家浜至南踰口可逕入海濬令深廣上接黃浦以達湖泖之水浦勢自是數倍於吳淞矣天順四年巡撫都御史崔公恭濬蒲匯塘及新涇四千丈鑿曹家溝南抵新場二萬丈廣皆十四丈深皆二丈濬六磊塘驚蠻湖烏泥涇沙竹岡塘水通流入黃浦民感其惠因呼曹家溝為都臺浦今吳淞江自關橋以西多淤

塞而不通凡太湖以南嘉湖杭之水悉入泖湖從黃浦  
出海其流反疾故賊舟之入也或由綵淘港以犯嘉定  
或由黃浦以犯上洋而吳淞反為不便勢使然也緊考  
入浦之水自李埭滙分支者則有若南錢塘官紹塘米  
市塘南俞塘鹽鐵塘北俞塘泗涇駟馬塘六磊塘東溝  
新邨塘吳店塘烏泥涇華漕港龍華港蒲滙塘諸水此  
並華亭上海二境自南迤北而東入於浦者也自界涇  
橫泖分支者則有若高蔣涇顧胥塘前後岡塘上下橫

涇方西塘淺沙塘金滙塘閘港下沙浦鹽鐵塘都臺浦  
沈莊塘周浦塘三林塘黃淄漣馬家浜陳邨塘諸水此  
並華亭上海二境自南迤北而西入於浦者也其盤龍  
塘沙岡塘竹岡塘橫瀝塘新涇諸水則又二境之間自  
南至北達於浦而通於吳淞江者也浦勢湍悍入海徑  
易議者以為可補東江之闕云

# 柳澱合圖

自踰開河以北大石浦以  
西俱屬蘇州府崑山縣界



蕲澳走馬  
古浦三塘  
之水並東  
南入黃浦



北

山澱



湖澱

都家蕩

塘燕小

塘岡滕

塘燕大

塘州香

塘陽渡

塘腰童

蕩莊周

南沙蕩

沙田蕩

陳湖

港水恩

港家蔡

港同執

港歷長

港沙朱

港龍湖

天師湖

分湖

東西窩

蕩蕩

自惠水港西北  
俱屬蘇州府  
長洲縣界

白牛塘

自南沙三白  
蕩以西俱屬  
蘇州府吳江  
縣界

自白牛塘以  
西俱屬浙江  
嘉興府嘉善  
縣界

西

薛澱湖考

薛澱湖一名澱山湖以中有澱山也旁通太湖滙蘇秀湖三州之水其源自長洲白蚬江經急水港而來周圍幾二百里實古來鍾水之地華亭縣在湖之南境崑山縣在湖之北境湖水自西南趨東北所賴洩水去處北出為趙屯浦逕望湖徑至胥溝分流為內勲浦為會仙浦為古盤浦為南澥浦為梁紇浦並入於吳淞江又東出為大盈浦逕南漕港絕橫泖合北漕港由新河會於青

龍江白鶴江入於吳淞江又西出為大石浦北逕崑山之道謁浦千壑浦入於吳淞江蘇州府志云澱山湖吐納東南諸水水較他湖特大松江府舊誌云澱山湖西有小湖又云縣西北有白蜺馬騰谷瑋瑁四湖且謂白蜺越在長洲馬騰谷瑋瑁三湖相去僅五七里而澱湖茫然一壑不復可辨其後又載錡湖云有陸錡宅曰瑁湖曰邢湖曰新湖云皆在西北以今考之澱湖之南有瓢湖其傍有金銀東清東白西陳大葑諸蕩漾北即

蔓萊洲

在長洲縣界

皆涵浸相屬數十里其西過金澤又有

西黿蕩雪落漾諸水而不得其名者尚多古今勢殊焉

知舊志所書非今之諸蕩耶並湖以北中為一澳曰山

門溜東西五六里南北七八里正當湖流之衝為自古

吞吐湖水之地山門溜之中又有斜路港

斜路今與崑山縣磧澳鄰

上達湖口當斜路之半又西過為小石浦上達山門溜

下入大石浦凡斜路港大小石浦分為三道殺泄湖水

並從上而下通徹吳淞江以入海宋淳熙中羅點提舉

常平以澱山湖洩諸水道戚里豪強圍占成田故水壅  
不洩為民田害奏請開濬詔下點躬詣相視開決農民  
聞命歡躍不待告諭各裹糧合夫先行掘鑿於是並湖  
巨浸復為良田湖中有山寺宋時在水中心迨元權勢  
占湖為田山寺遂在田中雖有港漚悉皆淺狹至元末  
江浙行省奉詔䟽鑿即湖田開新港三條濶三十餘丈  
及濬趙屯大盈二浦活疾湖流景泰間松江知府葉冕  
督民修築湖隄萬餘丈弘治八年工部侍郎徐公貫會

同巡撫都御史何公鑑開大石趙屯等浦洩澱山湖水  
由吳淞江以達於海為利甚溥今趙屯大盈去湖益遠  
顧由何家港及南北曹港受湖水以洩於吳淞江水患  
之多益有由矣

### 三泖

松江為蘇州下流去海甚近北截於吳淞江而西南有  
澱湖當湖諸水聯絡環繞皆源於太湖而委之三泖三  
泖在郡城西境按廣韻註云泖華亭水也太史公云泖

之為言茂也吳郡圖經云泖在華亭境有上中下三名狹者且八十丈祥符圖經云谷泖縣西三十五里周一頃三十九畝古泖在縣西四十里周四頃三十九畝今泖之界西北抵山涇南自泖橋出東南至廣陳又東至當湖又東至捍海塘而止俗傳近山涇者為上泖近泖橋者為下泖縣圖以近山涇泖益圓曰圓泖近泖橋泖益濶曰大泖自泖橋而上縈繞百餘里曰長泖此三泖之異也

陸機對晉武帝云三泖冬溫夏涼谷水在其北金澤章練小蒸大蒸白牛諸塘在其西葑澳走

馬諸塘在其東泖橋之外旁醜為數渠圓泖則東出為橫絕而東者秀州塘也

橫山塘過沈涇塘北折至通波塘由顧會浦分流為艾祁浦為崧子浦入於吳淞江大泖則東出為漕浜又東出為走馬塘並北折而東為七里涇由通波塘入於吳淞江又東出為石湖塘歷東西山涇合秀州塘北流亦從通波塘入吳淞江長泖則東出斜塘為橫潦涇又東流為瓜涇塘為詹家滙北折為黃浦為范家浜二百五十餘里合於吳淞江逕南澹口入於海此三泖水利之



大槩也或併胥顧謝家二泖為三泖按二泖在縣東南  
一陂澤耳與三泖相望七十里其說非也



江南經畧卷一下